



## NTU lancar pusat kajian teknologi kewangan baru

31/1/2019 20:14



SINGAPURA: Universiti Teknologi Nanyang (NTU) melancarkan sebuah pusat kajian teknologi kewangan yang baru bagi meningkatkan pemahaman para mahasiswanya tentang kewangan digital.

Pusat tersebut merupakan hasil kerjasama antara NTU dengan bank digital yang berpangkalan di China WeBank.

Antara bidang kajian termasuk kecerdikan buatan, teknologi 'blockchain', aplikasi bijak dan kelakuan manusia.

Matlamatnya untuk merubah idea-idea kajian kepada sesuatu yang boleh digunakan bagi khidmat kewangan digital.

Semua itu untuk meningkatkan lagi pengalaman pelanggan yang melakukan urus niaga kewangan.

NTU sudahpun mempunyai projek kajian tentang data dan keselamatan siber.

Projek-projek sedemikian boleh terus dibangunkan di bawah kerjasama lima tahun antara NTU dengan WeBank.

Kerjasama tersebut dilaksanakan sedang pihak universiti melancarkan sebuah program ijazah baru dalam Sains Data dan Kecerdasan Buatan.

Semua itu adalah untuk merubah universiti tersebut kepada kampus bijak dan mempersiapkan pelajar bagi dunia pekerjaan digital.

- CNA/NF/na